

永濟縣志

第十二冊

永濟縣志卷之二十

國朝

宸翰

康熙六年祭河瀆神文

惟

神崑崙毓盛雲漢注精匯流九區溥潤萬品朕恭親政務
祇荷神庥特遣專官用申殷薦惟神鑒焉

雍正元年祭河瀆神文

惟

神派衍星源精符雲漢百川咸納四瀆稱宗朕纘受丕基
新承景命竊念

皇考膺圖以來百靈效順四海從風坐享昇平六十餘載
茲當嗣位之始宜隆祀享之儀特遣專官虔申昭告惟冀
時和歲稔物阜民安淳風徧洽乎寰區厚德常敷於率土
尙其歆格鑒此精誠

乾隆四十一年祭河瀆神文

惟

神坤維導潤乾曜含精分支而箭激三門歸波而帶榮九

曲茲以金川績奏紫極休呈昔紀尋源銘伐曾踰於瀚海
今逢洗甲告功再薦於黃流特遣專官式昭虔祀

嘉慶元年祭河瀆神文

惟

神德協懷柔功昭澄宴導遙源於九曲竹箭流平防急溜
於三門桃花浪靜濟運則清黃交會效靈恬赴海之波安
瀾而保障攸資報享重翕河之典茲以乾隆周甲嘉慶紀
元懋舉崇儀特申昭告溯崑墟之衍澤升香遠致夫勩誠
環瀛溼以蒙庥奉帛長承夫嘉貺神其歆格鑒此明禋

道光九年祭河瀆神文

惟

神導源天漢作界坤維幕九曲之榮光匯百川之遠派茲
以邊陲氛靖底柱安瀾資轉漕於雲艫浪平竹箭告成功
於月窟地固苞桑莫此黃流鑒茲丹悃

咸豐十年祭河瀆神文

惟

神功協坤貞德符坎習溯靈源於西極體出崑墟注象派
於東瀛波平海若三汎底安瀾之績鵠舸芻飛千年承順

軌之庥虹隄捷固茲以朕三旬衍慶萬寓延釐秩祀爰修
儀隆載舉循禹功而助順榮光紀有道之祥軼周序以懷
柔福澤沛無疆之祉昭茲令典鑒厥明禋

同治元年祭河瀆神文

惟

神源溯崑崙靈趨渤澥控龍門而派遠互虹堰以波恬分
流從月窟而來資灌輸於地利轉漕睹雲帆之集佐飛輓
於天儲順軌祥徵升馨典鉅朕誕膺寶籙備考彝章爰攄
昭告之誠式潔苾芬之薦統萬流而覩鏡仰榮光昭允翕

之功撫九寓而頌磐安福澤衍無疆之慶庶邀景貺式享明禋

光緒元年祭河瀆神文

惟

神位列瀆宗秩尊水府圖書光啟雲漢精儲朕纘受珍符新承寶籙竊念

穆宗毅皇帝御極以來金隄永固玉塞遙通澤溥八埏瀾安三汎茲值嗣位之始宜隆用享之儀特遣專官謹申昭告惟冀龍門軌順馬頰流平懷柔隆允翕之文底定著歸

墟之象尙其歆格鑒此苾芬

順治八年祭西海神文

惟

神潛通兌澤涵潤坤維衍化成深流謙爲紀朕躬親政務
奄有多方謹遣專官代陳殷薦伏惟鑒享

康熙六年祭西海神文

惟

神潛通兌澤涵潤坤維衍化成深流謙爲紀朕躬親政務
祇荷神庥特遣專官用申殷薦惟神鑒焉

雍正元年祭西海神文

惟

神廣納坎流長極兌澤百川永奠萬寶告成朕纘受丕基
新承景命竊念

皇考膺圖以來百靈効順四海從風坐享昇平六十餘載
茲當嗣位之始宜隆祀享之儀特遣專官虔申昭告惟冀
時和歲稔物阜民安淳風徧洽乎寰區厚德長敷於率土
尙其歆格鑒此精誠

乾隆四十一年祭西海神文

惟

神德本金生位占兌澤踰流沙而敷潤應少昊以揚靈茲
者兩金川狡窟掃平醜徒俘獲靖諸番於蠻服永昭撻伐
之威匯百谷於崑墟宜舉貍沈之典爰申秩祀敬遣專官
惟神鑒焉

嘉慶元年祭西海神文

惟

神兌位居貞金精孕澤螭虬戢浪餘波納弱水之歸麟鳳
成洲巨浸衍流沙之派臨井躔而挹注奧區迴汎崑崙象

月御以澄淵瑞靄遙瞻濛汜茲以乾隆周甲嘉慶紀元懋
舉崇儀特申昭告瑤池遠界定稱介壽之觴玉水常流宜
答效靈之績秩斯殷禮鑒此明禋

道光元年祭西海神文

惟

神兌澤司方金精配象西域三十六國靈源探弱水而遙
黃河千七百渠巨浸溯崑崙以外流沙不盡旁連麟鳳之
洲益地無涯遠邁蒲昌之澤朕寅承丕祚懋舉隆儀茲以
道光元年四月初六日恭奉

仁宗受天興運敷化綏猷崇文經武孝恭勤儉端敏英哲
睿皇帝主配享

園丘禮成特遣專官敬申昭告惟冀瑤池玉水環奧壤而
滋榮烏弋黃支沐恬波而効順秩斯殷禮鑒此精禋

咸豐十年祭西海神文

惟

神兌方定位坤軸凝庥匯弱水以委輸極流沙之迢遞溯
歸墟於濛汜月窟兼包涵巨派於崑崙星源近挹茲以朕
三旬展慶十載丕基聿紀庚新特申昭告萬年篤祐瑤池

永濟縣志 卷二十一
開仁壽之花重譯攄忱玉陛貢昭華之琯神其歆格鑒此
苾芬

同治元年祭西海神文

惟

神井絡鍾靈蒲昌衍派踰條支而布潤地軸常安經鹽澤
以潛行天池不竭坤維奠極坎德居尊茲當嗣服之初肇
舉薦馨之典八瀛綏敕九野穆清琛舶輸誠楂泛而源通
弱水金方布澤波平而瑞紀陽池式備明禋用昭靈貺
光緒元年祭西海神文

惟

神位符坤矩餘波澄濛汜之區澤溥坤輿遠派溯渠搜之
域朕誕膺洪祚纘受丕基竊念

穆宗毅皇帝御極以來西戎卽敘海隅咸熙流沙徵漸被
之休積石紀澂清之瑞茲當嗣服式考彝章特遣專官用
申祇告所冀星楂遠溯統鹿渾蒲類以安瀾風舶遙通合
鳥弋屬賓而受吏神其昭格鑒此明禋

--	--	--	--	--	--	--	--	--

重修蒲州城垣記

侯康民

蒲阪左山右河爲三晉扼要地其徑路交通至雍梁荆豫揚越青兗咸取道焉所繫旣重而車騎更復絡繹則城垣之內藩而外屏者尤宜謹嚴而不可暫弛歲辛丑余奉

簡命由雲杜莅茲郡虞城守之未備也卽環閱之其外顏甃壤傾損者若而干其內服土胎流瀉者若而干其門樓角樓關門以及礮臺欲俯敵而旁侵者若而干其敵樓之陵側而難支者若而干旋又閱東廂外垣凡毀壞者較正垣什之二三焉卽薰風一臺古聖帝舊址遺蹤而斷牆敗

瓦究且與冷月寒煙同深陵谷滄桑之感逾歲壬寅秋霖
肆侵傾頽益甚亟言於大參陳公力請督撫兩臺各捐廉
俸爲修葺計余乃首倡得六百一十餘金僉同眾議搏埴
取資廢邸力役暫乘農隙經始於是歲孟冬底績於癸卯
季冬新築大城約八百五十餘丈城樓八座角樓敵樓窩
鋪共四十二座礮臺二十八座新築外城約六百七十餘
丈城樓三座而薰風臺亦與落成焉役旣竣例爲文以永
後余則竊有願言也凡茲工繕積歲逾年余實經營多方
拮据萬狀而職膺專城墜於我舉廢於我興脫有一之未